

que nous ferons mieux accommoder : entre la riuere qui est fort poissonneuse & les fossez, nous ferons faire quatre autres fossez, de douze pieds de large en hault, de six en bas & de huit de profond, tant pour faire euacuer les eaux qui degoustent de tous costez dans nostre caue, que pour nous fortifier contre tous ennemis.

Nous auons trois Maistre * Charpentiers avec un Maistre Masson & son fils, quatre autres hommes pour trauailler à la terre, & des viures pour les bien nourrir un an, au bout duquel si nous sommes assistés nous prendrons cinq ou six bons deserteurs qui ne cesseront de deserter la terre, & esperons que dans deux ans nous pourrons nourrir douze personnes sans rien mandier de la France, parceque nous auons du grain suffissamment pour faire du pain, & de la biere, & des cochons assés pour faire lard sans les autres viandes, que nous nourrirons comme Poulles, Oyes, Cheures & Vaches, sans aussi l'abondance du poisson qui se pesche ès riuieres, & l'abondance des Canards & Oyes sauuages qui viennent tout deuant nostre conuent, depuis la fin d'Aoust iusques à la Toussainct, sans en fin l'anguille || que nous sallerons 62
au commencement de Septembre, & l'Elan que nous aurons pour un peu de pain des Sauuages, quand les neiges seront grandes, & autres mille petites commodités: toute sorte de légumage, d'herbages & racines viennent grandement bien, nous sommes esloignés enuiron une petite demy lieuë de l'habitation, la chaux se faiet à cinq cens pas de nous, rien ne nous manque graces à Dieu, que moyen d'entre-